



**Andreæ Vallensis Vvlgo Del Vavlx Andanensis, I. V. D. Et  
In Alma Academia Lovaniensi SS. Canonum Professoris  
Ordinarii, Paratitla Ivris Canonici Sive Decretalivm D.  
Gregorii Papæ IX. Svmmaria Ac ...**

**Delvaux, André**

**Coloniæ Agrippinæ, 1686**

**Tit. 42. De alienatione judicij mutandi causa facta.**

---

[urn:nbn:de:hbz:466:1-62177](https://nbn-resolving.de/urn:nbn:de:hbz:466:1-62177)

3. Præterea is effectus est restitutionis, quod, licet remedium sit extraordinarium personale, l. 3. §. sed utrum 4. D. De minorib. tamen, quia est in tem. & juri familiariter inhaeret, d. 1. In causa 13. § interdum, ideo ad haeredem & ad universalem successorem transeat l. 2. & 4. c. De temporibus in integrum restit. accedi possit, l. Quod si minor 24. imprinc. D. eod non tamen transit in fidejussorem vel solum d. l. In causa, l. 1. & 2. C. De fidejussor. minor. quia iniquum & injurium foret subveniente fidejussori in necem creditoris, qui in securitate obligationis fidejussorem recepit, d. l. In causa. Secundò, quia fidejussor habet recursum adversus minorem, ut indemnus maneat: ideo que cum ordinarium habeat remedium, non debet ei concedi extraordinarium. Denique, quia minor restituatur, eo quod fragile & infirmum sit ejus judicium: cuiusmodi non est fidejussoris, qui cum sit major, cauti prospicere sibi debuit, nec tam facile spondere, cum, ut dici solet, Sponde præsto noxa est.

## TITULUS XLII.

## De alienatione judicij mutandi causa facta.

1. 2. Ratio huius restitutionis: ad quid detur. & aduersus quem.

3. Quid nomine alienationis intelligatur.

4. Datur illi, quorum interest.

1. Contingit non unquam, ut aduersarius dum intelligit item aduersarius se parari, malignè rem, de qua futura est controversia alieni, ut hoc modo eludat intentionem agentis, ei diuiriorem ac molestiorem aduersarii in suum locum obiciendo. Quare merito providendum fuit de remedio aliquo illis, in quorum præjudicium rei in judicium deducere si alienatio, judicij mutandi causa, præserit cum ex ejusmodi alienatione competat quidam species restitutionis in integrum, de qua proxime actum est, quæ jure actionis Prætoriae in factum intra annum utilem obiunetur, aduersus eum, qui sic rem alienavit, ad id, quanti nostra interest, alium ad-

versarium non habere, aut potius (in quo p. cipua vis hujus restitutionis consistit) ut patitur secum plista actione utiliter agi, perinde ac si non alienasset, sed adhuc possideret.

2. Dixi, aduersus eum, qui sic alienavit; id est mutandi judicij causa & fraudulentem seu dolosum utrumque ad hanc actionem restitutoriam requiritur, l. 4. D. eod. Atque ideo, si quis sine dolore possidere desideret, veluti, si tem ipsam, quæ petitur, obligatus Tito solverit, aut venditori redhibuerit, vel alienaverit, ut litis molestias subrefugeret, aduersus eum non dabitur hæc actio Welseub, in Parat. D. b. t. Sicut nec aduersus eum, qui dolo quidem possidere desit non tamen judicij mutandi causa.

3. Nominis alienationis intelligitur hic omnis actus, per quem dominium in alium transferitur, l. 1. Cod. De fundo donati: sive sit conventione, ut venditio, permutatio, donatio; sive permissione ut dum quis permittit rem suam usucapi, l. Alienationis D. De verb. significat. sive non usus, ut dum quis non utendo servitute, illam amittit, d. l. Alienationis.

4. Addidi, ad id, quod nostra interest, quia ei, cuius nihil interest, non competit hæc actio restitutoria, ut patet ex l. 3. §. penult. & ult. D. eod. Si quis igitur rei alienæ detentor, metuens ne judicio conveniatur, quia intelligit forte rescriptum aduersus se à summo Pontifice imperatum esse, transferat eam rem in alium, eo animo, ut frustreatur aduersarium, & rescriptum eludat, quod ultra expressa non extenditur, nec aduersus alium, quam qui in rescripto nominatum continetur, vim habet, ut datum est ad Tit. De rescriptis: tamen impetrans eodem rescripto uti potest etiam aduersus eum, in quem res est translata, licet in rescripto non sit nominatus, e. 1. b. t. Similiter si Clericus actionem vel æs alieni alienus laici in se transferri curaverit, eo animo, ut aduersarium suum, cogat causam suam agere vel defendere coram Judice Ecclesiastico, datur aduersus Clericum hæc exceptio, quod cessio illa actionis, vel a ris alieni, sit facta mutandi judicij causa, cap. 2. b. t. quia non debet alteri per alterius factum & dolum præjudicari vel iniqua conditio adferri, l. 1. D. eod. l. Non debet 74. D. Dereg. Iuris cap. Mutare 3. De R. l. in 6.

TITU-